

**ORATIO DE VITA ET
OBITU ILLUSTRISSIMI
PRINCIPIS AC
DOMINI, D. IOACHIMI,
SECUNDI, ...**

Christoph Corner





ORATIO DE ILLV=

STRISSIMO ET AMPLISSIMO

Principe ac Domino, D. Ioachimo Secundo,

Marchione Brandenburgensi, Romani Imperij

Septemuiro, Duce Prussia, Stetini &c. habi-

ta à Christophoro Cornaro ad Academi-

am Francophordianam, ipsi hac

vita feliciter functo pa-

rentantem.



Inuino ne consilio, an culpa nostra
accidat, vt sit nescia mens homi-
num fati, fortisq̃ futuræ, à sapien-
tibus interdum quæri solet. Etsi e-
nim misera est conditio mortali-
um: estq̃ ipsorum vita multis, ma-
gnis, varijs & subitis casibus expo-
sita: hoc tamen iudico malum non parum augeri infir-
mitate nostra, & inscitia eorum, quæ nobis in hoc cur-
riculo vitæ, vel diuinitus, vel casu euentura videntur.
Persuadent autem sibi boni & docti, ipsum Deum
hanc certorum euentuum præscientiam atq̃ præuisi-
onem, vt singulare priuilegium sibi reseruasse, & cer-
tis de causis nolle eam cum hominibus comunem ha-
bere: propterea quòd longè maior omnium rerum,
consiliorum & actionum confusio, quàm modo est,
pluresq̃ afflictiones & animorum cruciatus secuturi
sint,

sint, si omnes futuri euentus atq; casus, vel mente cō-
prehensi, vel quasi ante oculos positi habeantur. Sed
nos hanc benignæ Dei voluntati scientiam æquis ani-
mis relinquamus: ac rogemus eum, vt regat atq; gu-
bernet nos, vt omnes etiã non præuisos casus, & res
aduersas moderatè atq; patienter feramus: neq; in re-
rum bonarum felici successu efferamur: neq; in affli-
cta, parumq; grata fortuna despondeamus animum:
quod etiã, vt hoc tēporis momento, et deinceps be-
nigniter nobis conferatur optandum est serio: & vt
id à Deo nostro precemur, cum plurimi & tristissimi
omnium temporum, tum varij nostri casus monere
nos debent. Videmus enim & experimur vsu ve-
nire, vt nunc cum valde beati & felices iudicamur,
subitum aliquod & inexpectatum infortunium feli-
citem hanc nostram misere affligat, turbet atq; euer-
tat: nunc quoq; cum aliquem malorum finem cupide
expectamus, vt grauius adhuc aliud & acerbius acce-
dat malum, & prioribus adijciatur, nobisq; spem om-
nem atq; expectationem meliorum conditionum in
hac erumnosa vita, & affectio rerum statu penitus adi-
mat.

Hæc verè à me dici, si vnquam ante hæc, nostro
certè nouoq; incommodo, & deploranda calamitate
omnes hodie discimus. Quid enim nobis in hac com-
muni miseria tristius accidere? quid etiã vehemen-
tius animos nostros affligere, ex cruciaretq; potuit, quã
quod paucis ab hinc diebus acerbissimum accepimus
nuncium, de optimi Principis nostri, & communis hu-
ius pa-

ius patriæ gubernatoris laudatissimi insperata & subita morte, & ex hac vita in aliã, melioremq; migratione? Quo certe nuncio, qui non in hac ciuium societate mirifice terretur & luget, is mihi non videtur illum suum & diuinitus datum, & nunc ademptum nobis magistratum, quo decet amore & animi reuerentia complexus esse: neq; etiã intelligere aut prospicere, quantum pariat, secumq; adferat incommodorum magni alicuius principis repentinus & non opinatus interitus. Punit certè Deus iustus delicta hominum cum multis alijs modis & rationibus, tum vero in primis boni gubernatoris ex hac vita euocatione. Huius enim sapientia, industria, consilijs atq; beneficijs cum nauicula aliqua, vel respublica fruitur, minus ipsi periculorum etiã in summis tempestatibus est timendum: & accedunt ardentes piorum coniunctaq; preces, quibus sæpe impendentia, aut præsentia mala, placata ira Dei vel remorantur & impediuntur, vel mitigantur, aut penitus auferuntur: vbi vero fideles & præstantes duces è medio tolluntur, quàm sub multis motibus & agitationum fluctibus nauiculam iactari, periclitariq;, & in quàm varia discrimina subditos ferri & præcipites dari, necesse sit, quis est, quem non multa omnium ætatum exempla, & communis vitæ vsus & experientia doceat?

Atq; vt ad nos propius accedamus, mihi sanè prudentes atq; sapientes viri rectè videntur sic iudicare atq; sentire: quamuis hæc prouinciæ multis iam vndiq; malis sint circumdata, & tantis premantur

obrutæq; sint difficultatibus, & incommodis, vt inde
emergere, & ad tutum aliquem portum humanis con-
silijs peruenire difficulter possint: hoc tamen princi-
pe saluo ipsas optima adhuc sperare posse, aut in gra-
uiores misérias ruituras non esse: ipso autem extincto
bonam felicitatis partem simul ipsis ademptum, dele-
tumq; iri: ac propterea optandum atq; orandum esse,
vt principes senes longo vsu rerum præditi, modera-
ti, longanimes & sapientes diu sint incolumes: vt cum
ipsis in hoc exulceratissimo seculo, respublicæ si non
magnopere quidem florent, vtcunq; tamen esse, vi-
uere & vltimam liberationem placide, cupidèq; expe-
ctare possint. Nam si quis in hac mundi malitia, qua
omnia in deterius abeunt, meliores vel gubernatores,
vel administrationes sibi pollicetur, toto is errat cœlo:
neq; mundi nostri peccatis secundiores cursus debe-
ri, aut dari posse, quis non intelligat? Habet quidem
nunc Marchia hæc alium principem optimo patri
succeedentem, filium præstantissimum, de quo merito
ipsa nunc optat & sperat summa: sed is certè hoc est be-
nignior & fortunatior futurus suis, quo maior in ipsis
pietatis & recti studium deprehendetur: & agnoscit
ipse princeps, se per ætatem ab illa patris sapientia non
nihil abesse: & fatetur se morte eius maximam sui par-
tem amisisse. Ac propterea ipsi nunc procul prospici-
enti, & in omnes partes amplissimæ gubernationis
conuertenti oculos, præsentibus futurisque difficultates
recta viâ consideranti, quid animi esse, quantam solli-
citudinem, quantum moerorem & luctum carissimi
patris obitum attulisse putatis?

Neq; luget ipse solus, sed doloris communis so-
ciam

ciam quoq; habet nobilissimā Dominam, Regis Polonici filiam, matrem, quæ nunc plorans suam ipsius affectam valetudinem multò fert moderatius, quàm mortui Domini desiderium. Dici non potest, quantum nunc vulnus acceperint mortui patris tres filia, & Heroinæ: sed inter eas Elizabeta cùm marito carissimò, Principe Luneburgico, non multò post nuptias celebratas priuata esset, in aulā patris reuersa viduitatis suæ molestias aliquandiu pariēter tulit: nunc quoq; se paterno destitutam præsidio, cum reliquis duabus sororibus merito dolet atq; luget. Neq; in minore sunt luctu frater & nepos Principes: Tota quoq; nunc luget Marchiæ ciuitas: luget communis patria: conficiuntur dolore mentis optimi proceres, familiares Principis, & nos quoq; ipsi plurimis ab ipso viuo beneficijs affecti.

Agnoscent deniq; omnes subditi, se cum ipsum viuum amarint, & honore debito semper sint persecuti, nunc aliquam meroris sui declarationem, & gratitudinis testimonium defuncto patri & Domino debere.

Existimò itaq; vos hoc potissimum nomine in sacrum hunc locum tam frequentes confluxisse, vt vestri quoq; doloris & iudicij de mortuo principe significationem aliquam edatis: vos mutuis sermonibus consolemini: pijs votis atq; precibus salutem Marchiæ propicio Deo commendetis, & vt aliquid quoq; de tanti herois vita, virtutibus, rebus gestis, & beneficijs publice audiat, Mihi quidem sunt datæ partes, vt vltimi

vt vltimi huius voti oratione aliqua vos compotes faciam. Sed fateri cogor, me hoc tristi casu, ita quoque consternatum esse, vt in communiluctu maiore animoreliquis esse non possim, & verear ne in ipso orationis cursu deficiam. Agnosco tamen me ad hoc vltimum gratitudinis officium beneficentissimo principi deuinctum esse, vt me ipsum nunc vincam & erigam, & qualicumque oratione capita quaedam historiae vitae & mortis eius perensem potius, quam explicem: Vos autem omnes, vt me humaniter & placide audiat, & meo & publico nomine amanter peto.

Cum enim Ioachimus princeps, praestanti indole & generosa natura adolescens sciret aliquando futurum, vt ipse maior natus, seni patri in ampla & laboriosa gubernatione virtute & opera sua adesset, & ipsi voluntate Dei extincto succederet, sapienter iudicauit de patris & praceptorum sententia & consilio: ad tales prouincias non tantum ingenij bonitatem, iudicium excellens & animum heroicum adferendum esse: sed opus esse quoque futuro gubernatori doctrinarum, & multarum rerum in politia vsu cognitarum, & historiarum adminiculis atque ornamentis: neque sine illis administrationem vllam fortunatam, rectam et splendidam esse posse: neque esse quicquam in tota vita magis necessarium, quam literarum cognitionem: Ideo coepit bonas & primas artes mediocri studio degustare, & cum illis latinorum scriptorum & loquendi exercitium coniungere: his sacrarum & prophanarum historiarum pertractationem addere: quae bona postea
usus

usus dicendi, negotiorum varietas & ætas accedens non parum auxerunt & excoluerunt: eiq; tam fuerunt grata, vt inuitus audierit eos, qui per contemptum literarum ipsum ad res alias ludicras, & principi viro parum commodi laudisq; adferentes, conabantur auocare. Hæc ipsius studia non parum accendebat tunc nobilis & eruditus, adolescens Eustathius à Schlieuen, qui cum ipso familiariter vixit, & in rectis studijs succreuit: atq; hac de causa ad splendidam dignitatem fortunamque ab ipso euectus, eiq; carissimus semper fuit: qui ipsum quoq; anno superiore decedens, præcessit.

Solebat quoq; ipsum cū fratre Ioanne Marchione, adhuc gratia Dei superstiti, pater ad arduas atq; difficiles deliberationes & causarū cognitiones prudenti consilio maturè adhibere: vt de illis graues & disertos viros eorumque sentētias & iudicia audirent, et quasi ludentes iuuenes assuescerēt negotijs aulicis & laboribus gubernationis, & facultatem atq; vsum iudicandi de illis videndique, quid æquum & iustum esset, compararent: & ita sese ad futuros casus, negotia & labores pratorios atq; consulares egregiè instruerent. Quæ res quam feliciter ipsis successerint, dicent ij & attestabuntur, quibus eorum ingenia, iudicij dexteritas, vsus rerum, sapientia & eloquentia ex multis congressibus & actionibus nota perspectaque sunt. His autem in studijs ita duo fratres succreuerunt, vt tamen ea venationibus & alijs progymnasmatibus & exercitijs à Principis viri moribus non alienis subinde miscerēt atq; condirent: & ad maiorem alacritatem

B

obeundi

obeundi negotia sese excitarent, confirmarentque. Adulteriores postea facti patrem ipsi suum multis laboribus, molestijs & profectionibus sæpe leuarunt: ac potissimum Princeps noster, ab anno decimo nono, quo Imperij Romani gubernacula ad Carolum V. delata sunt, nunc cum patre, nunc solus missus, ad comitia Imperij semper profectus est: ibique sapientissimos heros de maximis negotijs & imperij statu, saluteque disferentes et consultantes audiuit, suisque consilijs inclinantem eius statum erigere, aut saltem fulcire studuit. Pro ætate denique ambo fratres sese ita gesserunt, ut appareret eos nihil aliud velle, quam primū Deo Opt. Max. multa grata dicere & facere: deinde communis patriæ saluti pro virili sua & ætatum donis consulere.

Postquam verò Princeps noster peruenit ad annum ætatis tricesimum, discessit ex hac vita pater Ioachimus primus: & Electoratus Imperij Romani dignitas iure successionis, & habentis gubernationis ipsi datæ concessæque sunt. Tunc primum suorum studiorum, usus, & exercitiorum iuuentutis cœpit vberrimos & suauissimos fructus: & eò faciliora ipsi fuerunt initia, quæ plerumque difficultatis plurimum habere solent: quo is maiorem aulæ peritiam & politicarum controuersiarum cum iudicij, dicendique facultate ad imperium attulit. Cum vero regiones & ciuitates, quæ testamento patris ad Electoris dignitatem & amplitudinem adiectæ erant, in suam fidem recepisset, & iam magistratus à Deo ordinatus agnosceretur, fuit ei prima omnium cura, quam ad rerum gubernacula sedentes, Deo

tes, Deo conditori & saluatori nostro debent: religionis repurgandæ & ecclesiarum ex verbo Dei recte constituendarum. Fuerant autem diu in Marchiacis ecclesijs horrendæ tenebræ in doctrina, horribiles foediq; errores in cultibus, & omnia erant plena caliginis, idolatriæ, tetrorum abusu & blasphemiarum: quæ etsi videbat, agnoscebat & detestabatur ipse: non tamen prius ad illa corrigenda, tollendaquæ animû adijcere viuo patre papisticis superstitionibus nimium tribuente, petuit, quàm ipse ad integram Marchiæ huius administrationem venisset. Difficulus enim adducebantur senes Principes, vt nostis, & multis exemplis doceri posset, vt receptos ritus atq; cultus, qui in ecclesia Romana ad annos multos durauerant, desererent, aut corrigi, immutariquæ sinerent. Interim vero ipse nullam occasionem legendi scripta Apostolorum & Lutheri, cognoscendæ doctrinæ sanæ, quamuis multis tunc Heroibus ignotæ & inuisæ, negligebat: quorum etiam lectione seria, & vero zelo benignitate Dei ad veram diuinæ voluntatis, & rectorum cultuum cognitionem perueniebat: Neq; dubitabat subinde Lutherum de arduis & intricatis quæstionibus consulere.

Cum ergo scripturæ autoritate & testimonijs doceretur ad Principum bonorum officium pertinere, summam gerere curam ornandæ, celebrandæq; gloriæ Dei, tradendæ & tuendæ agnitionis rectæ, conseruandæ religionis doctrinæ, & prohibendorum cultuum Idolatricorum, nihil fecit prius, quàm vt conuocatis

prijs & doctis aliquot viris, cum ipsis de doctrinæ puritate in Marchiæ ecclesijs ferenda, tradenda & confirmanda, deq̃ abusibus tollendis iniret consilium: & in hoc pietatis studio atq̃ labore, alijs qui in illo primas ferebant laudes aut par, aut non multò inferior haberetur. Curauit autem primum conscribendam reformationis & doctrinæ in ecclesijs proponendæ, cultuum & rituum seruandorum formulam: quam ipse præfatione sua ornata, eruditionis atq̃ piorum motuum plena, ecclesiarum ministris diligenter commendauit: & à reuerendis viris Luthero, Melantheone & Urbano Regio approbatam in publicũ dedit: eamq̃ voluit esse exemplum doctrinæ atq̃ cultuum perpetuò & religiose in Marchiæ ecclesijs seruandorum.

Sciebat quoq̃ veteri more semper ecclesijs pietateq̃ ordinatis scholas et Academias adiunctas fuisse. Non erat ipsi ignotum, à Mose fuisse constitutum, vt ad tabernaculum semper essent cœtus docentium & discitentium. Non ignorabat Eliæ, Elisei, Iesaiæ, Danielis, Esdræ, Nehemiæ & quæ postea secuta sunt, Iohannis, Polycarpi & Clementis exempla: ij semper scholasticos cœtus aluerunt, docuerunt, & in præclaris studijs ad ecclesiarum ministerium, ad doctrinæ purioris conseruationẽ & propagationem exercuerunt: repetebat quoq̃ memoria insignia Regum Iosaphat, Ezechiae, Iosiae, Hebræorum, & Christianorum Principum Theodosij, Constantini, Caroli magni & aliorum facta, in quibus nouit præcipuã fuisse curam tuendæ religionis veræ & ornandarum scholarum: Idcirco

circo magnopere probabat optimi patris sui consilium & institutum, quod altero anno post, quam ipse in hanc lucem esset editus, exemplo aliorum Imperij Romani Septemuirorum & potentiorū Principum, hanc nostram Academiam & illustre Musarum, rectorumq; studiorum domicilium instituisset, priuilegijsq; munitum mediocribus redditibus donasset: Ipse vero postea, vt æternum suæ erga liberales artes, earumq; professores, & ecclesiam testimonium relinqueret, non dubitauit quædam Canonicorum & Monachorum collegia, in quibus homines ignaui, indocti, hostes euangelicæ veritatis, impuri & idololatræ aiebantur, occupare: & aliquam reddituum partem ad ecclesias, priuatasq; scholas conferre: aliquam vero eamque non minimam huic suæ Academiæ benigniter donare: & aucto numero doctorum liberalia & honorifica ipsis stipendia cōstituere: quod factum memorabile, commendatione dignum Carolus Imperator, qui bona ecclesiarum auferri, & ad prophanos vsus conuerti indignissime ferebat, magnopere probasse, laudasseq; dicitur.

Vt quoq; Academiæ nostræ, doctorum quorundam opera reformatæ, instauratis studiorum exercitijs, plus ornamenti & dignitatis accederet, visum fuit, illustrissimos principes, filios suos Ioannem Georgium, nunc Electorem nostrum, & Fridericum, vnā cum Ioanne Alberto Megapolensium præstantissimo Duce in eam mittere, & V Villichio, Sabino, & alijs erudiendos cōmittere. Voluit enim carissimos filios,

quos se hæredes imperij sui relicturum esse sperabat, liberaliter institui, & ad futuras gubernationes doctrina, & virtutibus præparari: & tales aliquando euadere, qui inter Imperij Romani proceres maiorem eruditionis & sapientiæ veræ, quàm ampliarum possessionum laudem ferre: & qui non à clarissimis patrum suorum studijs et factis viderentur degenerasse. Notum est namq; ex Imperij annalibus, Ioachimum patrem duabus virtutibus, prudentia in consilijs, & eloquentia in sermone valde excelluisse. Nam cum quinquennio ante, quàm est mortuus, in conuentu Augustano Liburnis à Romano Imperatore, eiusque Senatu contra Turcarum vim atq; sæuitiam auxilia petentibus, communi nomine responsum esset dandum, commissæ sunt illæ partes ipsi: qui fertur latina oratione locupletissima, ita tunc respondisse, & Imperatoris atq; Principum voluntatem exposuisse, vt omnium principum & statuum admirationem & laudem meruerit. Neq; minor fuit eruditio & facundia in principe nostro: qui literarū liberaliumque studiorum dignitatem & vsus in omni vita necessarios intelligebat: ad ea filios suos exhortabatur: & quo maiore amore artes complectebatur bonas: hoc quoq; amplioribus præmijs suorum filiorum doctores optimos, & Academicæ professores iuuandos atq; ornandos esse censuit.

Doctrinam religionis Christianæ non primis tantum vt dicitur, labris degustauerat: sed solidam ipsius cognitionem affecutus erat. Ac meminerunt quidam, cum ali-

eum aliquando gloriatum esse, se cum Islebio inter
primos Lutheri discipulos fuisse: primosque doctri-
nam Pauli cum paucis alijs, de iustificatione rectè in-
tellexisse. Ea de causa, qui ipsum de hoc scripturæ ca-
pite, quavis occasione, etiam ex tempore doctissime
differentem, disputantēque audiuerunt, non possunt
non ipsi hanc cognitionis laudem & veritatis testimo-
niū tribuere. Ac nisi eum præcipui in Marchia Theo-
logi cum alias sæpe, tum vero in aliquot splendidissi-
mis Principum, Procerum & doctorum hominum
congressibus de præcipuis doctrinæ nostræ articulis
copiosè & doctè verba facientem audiuissem, videri
possent quidam potius assentandi studio, quàm veri-
tatis amore, tam honorifico eulogio ipsum celebrasse.
De qua re qui subdubitant, hos vt præfationem in
cantica ecclesiæ germanica ab ipso conscriptam inspi-
ciant moneo: quod cum fecerint, spero fore, vt mul-
tum iudicij de rebus theologicis & singularem sacro-
rum dogmatum thesaurum in hoc homine recondi-
tum fuisse vnā mecum confiteantur. Hoc nemini mi-
rum videri debet: nunquam enim tam fuit occupatus
toto administrationis suæ tempore, quin cansionibus,
lectiua culis & auditionibus sacris aliquot horulas tra-
deret. Sic assiduitate quotidiana & diligentia legendi,
discendi & audiendi res sacras, semper aliquid priori
scientiæ adiecit, eam auxit, & senile iudicium magis
confirmauit. Idcirco controuersias de religione his
temporibus tam alibi, quàm in Marchiæ ecclesijs mo-
tas rectissime intellexit: multas quoque attente & pati-
entius auditas inter suos, vel solus, vel cum paucis
composuit

composuit & sedauit. Neq̃ vllis concionibus & scriptis vehementius offendeatur, quàm quibus audiebat nimium viribus humanis, & operum iustitiæ tribui: solebat dicere se tales decantationes semper habere suspectas: & vereri ne quid puritati articuli de iustificatione hominis, sola Dei gratia in fide consequenda, affingatur: isq̃ commentis hominum contaminatus & labefactatus magnam secum ruinam trahat, ingentem errorum syluam pariat, & ad nouas Idolatrias Romano Pontifici, eiusq̃ affectis ianuam aperiat: pro eo capite sæpenumero coram legatis pontificijs, & apud eos, quibus parum grata putabatur dicere, tanquàm pro aris & focis pugauit: inq̃ eo tuendo, retinendoq̃ ne Cæsarum quidem duorum voluntatibus & gratiæ quicquam dare voluit.

Sacramentorum quoq̃ genuinum & verum vsum suis ecclesijs restituit: & doctrinam de duabus in Christo naturis, eiusquè beneficijs & meritis omnino saluam & sanctam voluit esse. Interdum in anabaptistas & Sacramentarios ita accendebatur, vt duriora & asperiora, quàm natura soleret, in eos verba diceret.

Ecclesiasticis quidem ritibus & ceremoniarum varietate atq̃ pompa multum delectabatur: & omnia in templo miro ornatu & grauitate fieri volebat: quod singulari eius affectioni, & à pueris assuefactioni potius, quàm vlli inscitiae, aut impietati est adscribendum. Nam ceremoniarum vsum, rerum adiapho-
rarum

rarum discrimina & fines optime nōrat, & quantum illis tribuendum sit, & in quos vsus sint retinenda, apud doctos non raro disputare solitus fuit. Sæpe quidam in templum eius augustissimum ingredienti, multitudine ceremoniarum, & ingentibus clamoribus offendebantur: sed cum bonitatem & puritatem veterum cantionum audirent, æquiores erga tanti herois institutum reddebantur. Omnia enim cantica diligenti studio & accurata censura ad Dei verbum per doctos viros emendanda curauerat: neq; in illis quicquam animaduvertebatur, quod cum veritatis sanctitate, aut scripturæ sanitate pugnaret, aut vllam impietatem & idolatriam videretur iuuare, aut alere posse.

Eo quoq; tempore, quo liber Augustanus, quem postea quidam Interim appellarunt, dabatur in publicum, visus fuit aliquid in Imperatoris & Pontificis Romani gratiam fecisse: sed si quid tunc ab ipso pro tempore dictum, receptum aut factum est, id arcano consilio, & vt multi quoq; iudicant, tuendæ cōmunis pacis causa factum esse credo: & euētus postea docuit, eum noluisse articulorum Christianæ fidei, sanæq; doctrinæ veritatem, auctoritatemq; imminuere, aut conscientiæ iudicio repugnante labefactare: sed tantum ceremonijs quibusdam recipiendis, quæ citra periculum & discrimen salutis animarum seruari possent, exasperatos primatum & Monarcharum animos publici commodi causa voluisse placare. Etsi enim rumor de illo libro recepto & mādato passim spargebatur: nobis tamen in Marchia salua mansit ordinatio, cuius ante me-

C

mini,

mini, multò ante Germanicum bellum scripta, appro-
bataq; & ab ea ne hodie quidem in ecclesijs pulchrè
constitutis receditur. Idcirco cum totius doctrinæ &
sacramentorum vsus integer & rectus semper nobis
manferit, moderata excusatione potius, Princeps sa-
piens & pius honorandus, quàm dura accusatio-
ne & criminatione eius causâ petendus fuit.
Est enim magnæ sapientiæ ita moderatè & cautè
cum Euangelij hostibus agere: ita in leuioribus qui-
busdam cedere, vt bona tamen cum venia verbi diui-
ni dogmata salua et inuiolata retineas, et falsò dicaris ve-
ritatis confelsionem abieciisse. Hæc omnia argumen-
to nobis firmissimo sunt, eum sanctæ doctrinæ exi-
miam habuisse notitiam, strennuum eius defensorem
fuisse, & in confelsionis casu nihil indignum Christia-
no Principe admississe.

Præter sacrarum quoq; rerum cognitionem non
fuit penitus scientiæ Iuris ignarus: ac quamuis non o-
mnes Iurisconsultorū disputationes intelligeret, easq;
potius ad scholas, quàm ad forum & aulam adferendas
esse putaret: ea tamen fuit eruditione, prudentia, & in-
genij acumine, vt quid in præcipuis controuersijs
æquum & iustum sit, & ad gubernationis æquabilita-
tem faciat, non ignorarit. Ad obscurarum quoq; causa-
rum explicationem doctorum Iuris, quorum multos
in aula & Academia liberalissime fouebat, opera &
consilijs vtebatur.

Mathematicas disciplinas magnificiebat: doctri-
na mo-

na motuum' cœlestium & siderum monstrazione multum delectabatur: cosmographicas tabulas magno comparatas sæpe inspiciebat: & artificum instrumenta, sphaeras, automata, artificiosaq; horologia omnes cœlestium partium motus signorumq; ortus & occasus indicantia, sibi consicienda curabat: & in hos vsus Mathematicos excellentes semper aluit liberaliter, & amanter habuit. Sciebat astris vim quandam & efficaciam in mundum inferiorem inesse: sed non ita supersticiosè de illis sentiebat, ut eorum effectiones necessarias & immutabiles esse crederet. Sciebat remedia multa certorum morborum, quæ etiam cum principibus alijs interdum communicabat: quamuis arti medicæ eiusquæ doctoribus suum quoq; locum & honorem tribueret.

Omitto artes quasdam abstrusiores, quamuis ex physicis principijs extructas, quas nimis quam curiosè ad tempus, & tamen non tanto cum fructu, quanta expectationis & cognitionis suauitate exercebat.

Loquebatur ipse quoq; satis latinè, & libenter audiebat eos, qui facilè, latino, simplici & perspicuo orationis genere utebantur: & videbatur aspernari putidas, barbaras, obscuras & affectatè compositas quorundam orationes: quales constat superioriâ tate Iurisconsultorum & Medicorum fuisse: qui sæpe res bonas nouo & fœdo sermone mirifice deformabant & obscurabant. In vernacula autem lingua disertissimò patre non erat inferior: & quo de grauioribus ne-

gotijs verba faciebat: hoc copiosius ipsius fluebat oratio, plena optimarum sententiarum, et selectissimorum verborum, mire composita, & nostræ linguæ præcipuis ornamentis & luminibus illustrata. Accedebat ad pronuntiationem singularis heroicæ personæ grauitas, gestus & motus corporis valde commendantes & ornantes actionem: vt omnium optime norunt, qui ipsum coram Imperatore, principibus viris, & ipsius subditis dicentem audiuerunt.

Quid de alijs eius præclarissimis virtutibus dicam? quæ longè fuerunt plures, q̃ vt orationis meæ tenuitate non dicam exornari, sed ne commemorando quidem explicari possint. Inter diuinas illas dignitatis & commendationis primas ferunt partes memorabilis eius sapientia, iustitia, fortitudo, clementia, moderatio animi, & singularis benignitas, vt de iudicij eius dexteritate, & memoriæ summa vi nihil addam: Hæc in ipso ita eminuissæ dicuntur, vt cum præstantissimis veterum & felicissimis heroibus rectè conferri poterit. Fuit inter omnes totius Imperij Romani, & vicinorum regnorum Monarchas atq; Septemuirus hoc tempore natu maximus: & administrationem dignitatemq; Electoratus diutius cæteris omnibus, quos reliquit decedens, retinuit. Propterea iam tres Imperatores, peregrini reges, Septemuiri omnes, & præcipui Principes sapientiam & dona eius admirabantur & suspiciebant: ab ipso in maximis difficultatibus & grauissimis negotijs auxilia, consiliaq; petebant: quæ pro summa humanitate, & amore salutis imperij libentissime

tissime fidelissimeqꝫ, rebus omnibus diu deliberatis, cum ipsis communicabat. Hæc enim opinio certa erat: hæcꝫ persuasio multorum animis infederat, neminem in Imperij Romani amplitudine haberi virum principem, cui historiæ, acta, ordinationes, decreta, ceremoniæ, ritus et negotia Imperij essent notiora: cuiusque cōsilia longo rerum vsu confirmata, magis fidelia & salubria esse, plusqꝫ sinceritatis, veritatis, ponderis & autoritatis viderentur habere. Ea de causa ad vnū omnes non solum ipsi multum tribuebāt, sed etiam, vt prudentissimum virum consulebant atqꝫ venerabantur: hoc etiam vt perpetuò faceret, & vt sine eius consilijs nihil in Imperio susciperet, Imperator Ferdinandus nostrum Maximilianum sedulo, diligenterque monuisse & rogasse narratur.

Docetur in sermonibus ecclesiæ, magistratum esse vtriusqꝫ tabulæ defensorem. Ad eius namqꝫ officium pertinet prohibitio blasphemiarum, idolatriæ, manifesti contemptus verbi Dei & religionis: In eodem requiritur, vt homicidia, adulteria, furta, mendacia & iniustam vim prohibeat, ac seuerè puniat: de illis leges rectè latas tueatur, vel etiam necessarias ipse ferat & promulget: Noster ergo Princeps tantus fuit iustitiæ amator, vt nullare magis sit offensus, quàm maliciosis, petulantibus & atrocibus iniurijs: & eos, qui iniustam vim paterentur, omni cura & opera vindicandos esse censuerit. Ideo rectas leges religiose coluit: cognitionibus causarum sæpe interfuit: & de iustitia cuiqꝫ administranda, & de sceleratis ad legum

C 3 normam

normam puniendis, tuendæ publicæ pacis & tranquillitatis causa, præfectos, consiliarios atq; iudices suos sæpe fideliter exhortatus est. Et si autem natura erat à crudelitate alienus, nihilquæ tyrannicè agebat vnquā: exemplis tamen & poenarum grauitate opus esse intelligebat: Ita ius dicebat, ita iustitiam & poenas exequabatur, vt semper tamen meminerit, se hominem esse, & clementiam atq; misericordiam in humano genere maiorem semper meruisse laudē, quàm ipsi summum, nimiamquæ seueritatem. Idcirco non difficulter supplicibus precibus ad benignitatem & æquitatem etiā in magnis lapsibus flectebatur: & nihil æq; in votis habebat, quàm vt subditorum summa esset innocentia, & cum tota Marchiæ Republica benè & feliciter ageretur.

Nullum esse preciosius bonum in hac hominum societate et conuictu pace, ac quiæto, tranquilloquæ inter ciues statum, optime sciebat: quod in pace populus de religione doceri, liberi rectè honestequæ educari, et omnia vel priuata vel publica negotia rectè vtiliterq; geri possint: discordiæ uero & bella plurima commoda impediunt & ingentia mala secum attrahant: ea re deliberationes, consilia, dicta & facta sua eò potissimum referebat, vt pacata Germania & Marchia nostra singuli res suas obirēt, & officia siue ecclesiastica, siue politica, vel etiā œconomica rectè tutoquæ facerent. Ac si qua videbantur impendere pericula, vel eiusmodi conatus & casus, qui harum regionum pacem dicebantur turbaturi: ea mala partim prudentibus

bus consilijs, partim petitionibus & comminationibus auertebat. Interdum quoque ad expeditionem euocabat suos, ut vel iniuriam passis opem ferret, vel suis vim facientes, vel iniustis rationibus in alienas possessiones inuolantes, si verbis & comminationibus non darent locum, armis depelleret. Maluit interdum ad quædam quantulacunque incommoda conuiere, eaque moderate ferre, quam mouendo bello maiorem rerum iacturam facere & pericula accersere: quibus rationibus hoc ipsum effecisse & consecutum esse nouimus, ut non solum Marchia latetur, se in multos annos nulla uidisse bella: sed etiam hoc nomine benignitati Dei, & Principum suorum sapientia, & virtutibus æternas se debere gratias profiteatur. Ipse quoque non tantum inter suos perpetuæ pacis autor et defensor fuit: sed etiã si qua inter Reges & Principes dissidia oriebantur, quæ ipsos ad perniciosam arma impulsura essent, nemo prior ipso maturius, & magis anxio sollicitoque animo de reconciliatione, & pacis conditionibus cogitabat. Videbat enim uerè dictum esse communi voce, propter vicinum malum aliquod aliud malum esse timendum: & bellorum incommoda latissime promanare: Ac tanta cum grauitate & auctoritate rem agebat sæpe, ut salutaribus consilijs offensos, accensosque principum animos facile placaret: sæpe etiã re ita postulante, comminationes rationibus admisceret, diceretque se quoque illius fore hostem, qui æquas condiciones non esset admissurus: sic sane iniqua & iniusta bella facientes odio prosequendos: iusta autem & legitima suscipientes iuuandos quidem censebat, ut tamen prima

ma præcipuaquæ cura faciendæ confirmandæquæ pacis haberetur. Non fuit ipse infelix pacificator: & hoc nomen honorificū improbiores milites cum pace constituta dimitterentur, se quasi vindicantes, ipsi vt vitium obijcere solebant. Neq; ei quicquam ingratius accidit, quàm quod suæ gubernationis tempore tristitia quædam bella Germaniam mirifice concutientia eiusquæ robur labefactantia viderit. Duo illa, quorum alterum à Carolo Imperatore in superiore Germania, alterum non multò ante in Belgico gestum fuit: vt de his quæ postea in Saxonia, Belgis & Gallijs infelicer mota sunt, nihil referam: illa inquam duo valde ipsius animum affligebant: norunt familiares eius gemitus, vota & preces: norunt curiosas percunctationes: norunt consilia vtriusq; bellatoribus de pace data: ac nihil æq; exercebat ipsum, quàm quod animaduerteret suas monitiones, contentiones & consilia negligi contemniquæ. Quamquam ne tunc quidem quieuit: Nam confecto propè bello in victore migitando, & ad benignitatem conuertendo, & in principibus victis conseruandis, quod boni esset principis & amici officium sedulo fideliterquæ fecit.

Magno ipsum fortiquæ animo, tam ad domesticas, quàm bellicas difficultates & calamitates sustinendas perferendasquæ, fuisse argumēto nobis sunt acerbissima mala, quæ ipsi humanitus toto vitæ et administrationis tempore acciderūt: quæ tam alto, firmoque tulit animo, vt diuina potius ipsum virtute regi, quàm humanæ mentis robore niti fulciriquæ multi censuerint.

rint. Amisit priorem coniugem, nobilissimā Dominā
Ducis Saxoniae Georgij filia, viuo vtriusq; adhuc pa-
tre: reginam vxorē alteram cum aduersa valetudine et
morbis uariē conflitantem in multos annos habuit:
fuerunt ei duo clarissimi heroes filij Fridericus & Si-
gismundus: horum vtrunq; altissimo loco natum, ad
sumos honores et amplissimas dignitates admouerat,
& eorum felicitate suae quoq; bonam partem metie-
batur: sed Fridericum primū summa pietate & ve-
rē heroicis virtutibus principem, florente aetate, mors
imatura patri & nobis omnibus ademit. Huic po-
stea cum in eadem dignitate Sigismundus frater con-
sanguineus successisset, deq; eo iam virtutibus cre-
scēte, omnes boni optima sibi pollicerētur, & quod in
priori filio amissum esset, in hoc sibi benigniter repa-
ratum & redditum esse afflictissimus pater arbitrare-
tur, hunc quoq; inopinata & saeva mors a nobis auul-
sit, & dolores nostros duplicauit, Quo tu credis tunc
Principem nostrum, maritum & senem patrem
animo fuisse? dices afflictissimo. Sed uere spiri-
tus domini in tot calibus robur ipsi addidit singu-
lare & admirandum. Est quidem post sensum irae Dei
nullus dolor acerbior, quam qui ex coniugum carissi-
marum & praclarorum liberorum morbis & obitu
contingit: sed is fortiter patiēter & sapienter tulit haec
omnia mala, vicitq; maximos dolores: neq; vnquam
voluit committere, vt vel hoc nomine Deo irasci, vel
impatētia fractus indignum aliquid Christiano Prin-
cipe dixisse, egissetq; diceretur: ac rectē iudicauit, ius-
tae Dei voluntati reuerenter esse parendum: & se ab

gis quoq; mitigationem poenæ, & condonationem delictorum petiuit à Deo, quàm vt propter tristissimos hos casus ab eo vel indignans deficeret, vel alia parum licita inconcessaq; remedia quæreret. De bellica eius fortitudine et virtutibus Imperatorijs docent nos quædam ipsius memorabilia facta. Constat enim ipsum anno tricesimo secundo exercitum in Austriam duxisse, ibiq; feliciter cum Turcis prælio dimicasse. Parua enim tunc manu, captata occasione aliquot millia hostium vici, fudit & prostrauit: quam victoriam etiam pulli recens exclusi Berlino ipsi egredienti prædixisse, & cantu claro quasi gratulati esse dicuntur: ipse quoq; victor postea honore auratorum Equitum est ornatus. Anno quadagesimo secundo suscebatur aduersus Turcam bellum commune & publicum ab Imperio: & Princeps noster ob nominis celebritatem priori victoriæ partam, & multorum de eius fortitudine constantem famam creabatur Imperator: quæ in expeditione, etsi memorabiles pugnae non sunt commissæ: vis tamen hostium repressa est, & ab eorum irruptionibus Austria defensa. Gessisset autem res longe maximas, dante Deo, si Principes quidam promissas pecunias, comæatus & subsidia in tempore ei misissent: & non potius suas copias & nervos ad intestinum bellum conuertissent; quibus cum destitueretur, & hosti par esse non posset, se infecta ex Austria discedere coactus fuit. Quæ res adeo nullum Principi nostro dedecus peperit: vt excusatio eius, grauissimæ quærelæ à Romanorum Imperatore accepta probataq; sit, & insperati euentus culpa in paucorum inuidiâ, maleuolentiâ & improbos conatus sit reiecta.

Negari non potest, ipsum sua quædam habuisse vitia: sunt enim non raro magni magnorum virorum lapsus: Sed ea fuerunt eiusmodi, vt quidem non excusentur, sed ingenti virtutum aliarum cumulo & splendore obruantur obscuranturq;. Commemoraui hæc tenus præcipua eius ornamenta: sed occurrunt & mentem meam subeunt adhuc plura alia, quæ orationis meæ & breuitate, & tenuitate iam comprehendere non possunt. Destituerer equidem tempore si de illis prolixiore oratione vti vellem. Quis nescit ipsum magnificentiam suam in profectibus, sumptibus comitorum, muneribus, ædificijs & substructionibus sæpenumero Germaniæ conspiciendam præbuisse? Non est ignota ipsius liberalitas in viros doctos & de sua gente & aula præclare meritos: beneficentia erga familiares et ministros: hæc fuit tanta, vt ea quibusdam videatur modum excessisse: sed maluit beneficentissimus Princeps dando peccare, quàm sordicie & paritate illustrem familiam et heroicam maiestatem deformare. Omitto comitatem in sermone, facilitatem in audiendis subditis & notis, grauitatem mirabili lenitate erga domesticos mixtam, quos vel nimia largitione superbos, vel nimia familiaritate sui contemptores reddere noluit. Amanter obseruabat eos, & benigniter tractabat, & inuitissime à se dimittebat, in quibus aliquid ingenij, doctrinæ et probitatis animaduvertebat: & quorum fidem atq; constantiam multis annis cognitam & exploratam habebat: & cum quibus ab ineunte ætate vixerat. Ac cū sciret plerosq; hos in aliam migrasse vitam, facile intelligetur, quid illis coram

exercitijs externis corporis, quibus annis prioribus nimium studuerat, iam minus firmo robore, multum remittebat, & animo ad sublimiores cogitationes ferebatur: & amabat illa ecclesiastica studia auditionis, lectionis & meditationis rerum sacrarum, quibus ad iter illud, quod breui ingressurus esset, sese prae pararet.

Meministis plerique omnes, quae anno superiori in celeberrimo conventu de quodam religionis negotio indicto, Coloniae ad Spream sint acta, dictaque. Tunc enim in splendido consensu filij & nepotis, procerum Marchiae, & principum uerbi Dei ministrorum, cum theologos suos & ecclesiarum doctores prolixè de certis doctrinae capitibus differentes attentè audiuiisset, coepit ipse quoque fidei suae simplicem & perspicuam confessionem edere, & ita copiosè eruditeque, ut facile cognitum sit, ipsum de articulis praecipuis pie rectèque sentire. Addebat se ita, ut esset confensus ex animo credere: neque unquam sententiam piam & verbo Dei consentaneam mutaturum aut abiecturum esse, in quae fides saluum fore. Rogabat quoque ministros omnes, si forte iam senex subito morbo correptus extinguere tur, aut alio casu à confessionis suae repetitione impediretur, ut suae huius fidei coram ecclesia Dei perpetui testes & laudatores esse non grauerentur. Ac certum est, eum rectas et sanas sententias de iustificationis nostrae articulo, de beneficijs & meritis Christi, de unionem naturarum duarum in Christo hypostatica, de vera sacramentorum essentia & usu, de quibus alijs fidei ecclesiae capitibus, et cognitione comprehensas habuisse & firmiter retinuisse. Ab eo enim tempore quauis oblata occasione frequentius cum theologis & familiaribus

aribus suis de rebus sacris, quàm negotijs politicis collocutus est & disputauit: Inprimis vero per festos illos dies, quibus nuper cœtus christiani Natalitæ Saluatoris nostri, solenni more, religiosèq; celebrarunt: Tunc enim primum ad sacram cœnam nocte accessit. postea quòd Deo iam esset reconciliatus, reliquos dies hilari mente cū consiliarijs et domesticis peregit: inde propter quædam negotia in vicinam arcem Copenicum expatiatus: eumq; mox Princeps Ioannes Georgius cum aliquot consiliarijs est secutus: vbi postridie calēdas Ianuarij in cœna sua vltima fertur cygnea cantione plurima doctrinæ nostræ capita, & euangeliorū vſitatorum, quæ tum ei ex more prælecta sunt, eximia loca ad verbum repetiuisse & explicasse: de Christi beneficijs, de eius baptismo, circūcissione, cruce, & de certitudine consequendæ salutis, magno animi motu, cum omnium circumstantium & assidentium admiratione disseruisse: omniaq; illa merita & facta Christi sibi, quàmuis peccatori, ita applicasse, vt dixerit, se adeo nihil de sua salute dubitare, vt sciat quoq; se cum Christo peccati, mortis & inferni beatum victorem esse. Sunt quoq; testes omni exceptione maiores, qui constanter referunt, ipsum hos diuinos sermones suos in multam noctem protraxisse: et tandem illis quasi præsentientem finem, cum ad lectulum esset ductus, indormiuisse, qualisq; immortuū esse. Nam vt illi narrant, cum non multo diutius hora vna aut altera dormiuisset, se magno dolore debilitari est cōquestus: alijs vero ministris trepidantibus et consiliarios accersentibus: alijs remedia absentibus medicis, frustra fla-

morbus: & mox cum graui tussi correptum, vomen
temq; corporis & animi vires defecerunt et deseruerunt:
sed interrogante quodam ipsum in illo agone, vellet ne
in fide Christi decedere, voluntatis & fidei suæ quam-
uis impedita pronuntiatione gargarizans tamen &
affirmationis voculam bis vi exprimens, & alijs gesti-
bus manifesta signa edidit: & ita inter manus familia-
rium sub horam quintam mane tertio die Ianuarij ex-
pirauit, ætate iam exacta: si enim adhuc dies paucos
vixisset, compleuisset annum Sexagesimum sextum.

Hæc cum ita se habeant, quis neget animam eius
felici migratione in æternam vitam & sanctorum Dei
consuetudinem translata esse? vt vero de ipso aliter
iudicemus certe causas habemus nullas. Innumerae
autem sunt causæ alie, quæ vt patris & Principis no-
stri, viri sapientis, boni & benefici obitum deplore-
mus, merito nos commoneant, commoueantq;. Nam
quis est quæso, qui mortem eius æquo animo possit
ferre? Habent sane Imperator Maximilianus, Rex Po-
lonicus affinis, Principes Imperij Romani causas non
leues dolendi atq; lugendi, qui iam illo destituti sunt,
qui consiliorum Imperij dux fuit, & sine quo nihil v-
tiliter & sapienter constitui & agi potuit. Suam quoq;
orbitatem & casum vt initio dixi, merito deplorat con-
iunx misera: recte lamentantur & eiulant filie; moeret
& anxius est filius: in luctu maximo sunt nepos &
frater: dolore conficiuntur ciuitates: squalent senato-
res: affligantur familiares: dolent ministri: et nemo est
qui non lachrymis moerore suū testeretur, & cōqueratur
se bono, quod recuperari non possit priuatū esse. Ve-
rum quid profunt nimij fletus? aut quid proficimus, si
nos de-

nos deiectis animis in squalore & perpetuo luctu incedimus? Meminerimus etiam his ponendum esse modum, et erigamus nos potius: statuamus voluntate & consilio Dei hunc Ducem nobis ademptum, & talein miseriam peccata nostra iam pridem meruisse. Sinamus itaq; defuncti manes in Dei benignitate quiescere: & nos ita geramus, vt & eius voluntatem & factū probare, & mortuo felicitatem discessus huius nō inuidere videamur. Precemur potius à benignissimo patre per Christum, vt ipse respiciat ad nos: afficiatur calamitatibus nostris: consoletur nos: suscipiat ecclesiarum, scholarum, omnium ordinū & totius Marchiæ fidelem & uerè paternam curam: largiatur quoq; nobis, vt emendemus nos, & ad ipsius voluntatem nos totos submisisse componamus: regat pro sua immensa misericordia Illustrissimum nostrum principem, ducē & gubernatorem futurum: adiungat ei Spiritum suū, eoq; uerè inungat eum: instruat sapientia, pietate, iusticia, alijs auitis atq; paternis virtutibus, vt animo beneuolo has regiones cōplectatur: sit strenuus protector doctrinæ sanctæ, & receptorum piorumq; cultuum: tueatur atq; ornet ecclesias, scholas, & hanc nostrā Academiam: sumat ueram subditorum defensionem, & conseruet pacem in his regionibus diu iam florentem, & quasi per manus acceptam. Rogemus deniq; vt æternus Deus sit custos Marchiæ: imminenti pericula, malaq; quæ nobis, totiq; Germaniæ tristēm ruinam cōminantur, aut auertat, aut si qua accident mitiget, vt in pace, tranquilloq; statu liberos nostros piè educare in opera pietatis facere, & insi dignos cultus de-

D F 5

8-10

Handwritten text, mostly illegible due to fading and bleed-through. The text appears to be organized into several paragraphs or sections, with some lines starting with capital letters. The right side of the page is heavily shadowed and appears dark blue/black.